


永豐縣志

EM 150.149

38

4R. 43.65

58





永豐縣志卷之十

學校志

朝廷以治學校以教教治本也周以上學祀羣聖而無廟漢以後學祀孔子而廟亦遞設焉唐貞觀時詔州縣皆作孔子廟宋慶厯中詔天下立學於是學附於廟而廟亦總曰學我朝尊崇學校制無不備設學官以教之置學田以贍之廣學額以登進之而鄉學社學絃誦相接文教之蒸蒸日上有以哉豐學自知縣儲曾修後相繼祇修不一修外有恩江求志等書院作育士類皆所以爲治本也立學校志

學宮


永豐縣志

卷之十

學宮

宋至和間知縣段縫建於縣治西南建炎初兵廢紹興七年丁巳縣令李諤移縣治東後令鄧顛立講堂及東西序十七年丁卯縣令吳南老以舊基狹隘遷感應坊右邑人董良史記元縣尹何仲溫重修尋燬於兵延祐元年縣尹察罕不花重修曾德裕記明洪武初知縣蔡玘重建今所建文二年庚辰趙季通修葺宮牆永樂十九年辛丑知縣朱圓修大成殿曾榮記後壞於水正統四年己未知縣李珣砌石以固之十二年丁卯知縣黃永從購石爲櫺星門柱會鼎記成化十九年癸卯知縣歐陽明重新

文廟羅倫記嘉靖二十二年癸卯知縣魏夢賢縣丞梅繼





儒修鄒守益記萬曆五年丁丑知縣王來賓改學西  
南向八年庚辰知縣馮應鳳申請改復乾向四十七  
年己未知縣瞿式耜與邑紳遷新之自爲記明季燬  
於兵

國朝順治七年庚寅知縣儲曾修復改建

啟聖祠奎聚堂於明倫堂右十六年己亥知縣劉秉恆復  
建儒學大門康熙五十七年戊戌知縣王坦諭邑人  
解以敬捐貲首倡移建於城內湖西道以舊學爲

崇聖祠齋署如故雍正十二年甲寅知縣趙憲清修自爲  
記乾隆十四年己巳知縣江伍圖重建於感應坊舊  
址自爲記十五年庚午知縣陳材續成之自爲記又

永豐縣志

卷

之十

學宮

二

江蘇沈德潛記嘉慶三年戊午爲洪濤所壞己未知  
縣李咸一修葺之道光二年壬午知縣陳徵芝加修  
先師廟正殿殿後爲

崇聖祠殿左爲尊經閣爲東廡爲祭器庫右爲藏書庫爲  
西廡爲樂器庫殿前爲看雲臺臺下爲甬道道前爲  
戟門門上爲大成樓門東爲名宦祠爲省牲所門西  
爲鄉賢祠爲齋宿所門前爲泮池池前爲櫺星門門  
外爲宮牆牆有四門左禮門德坊右義路道坊明倫  
堂在禮門之左堂後爲五有堂教諭居之堂前爲儒  
學門左右廂房又左爲節孝祠奎星閣在義路之右  
閣後爲忠義孝弟祠祠後爲輔仁堂訓導居之閣前



爲奎星門左右廂房又右後爲射圃圃後爲魚池五  
有堂輔仁堂後各有園爲東西二齋種植三十年庚  
戌知縣林燕典修葺咸豐五年乙卯寇燬同治元年  
壬戌邑紳劉紹書重修修撰劉繹記

世祖章皇帝順治十四年

御定

至聖先師之稱

聖祖仁皇帝康熙二十三年

御書萬世師表扁額

世宗憲皇帝雍正三年

御書生民未有扁額

永豐縣志

卷之十

學宮

三十一

高宗純皇帝乾隆二年

御書與天地參扁額

仁宗睿皇帝嘉慶元年

御書聖集大成扁額

宣宗成皇帝道光元年

御書聖協時中扁額

文宗顯皇帝咸豐元年

御書德齊幃幃載扁額

皇上同治元年

御書聖神天縱扁額

聖祖仁皇帝御製



至聖先師孔子贊

并序 頌學勒石 咸熙二十五年

蓋自三才建而天地不居其功一中傳而聖人待宜其  
蘊有行道之聖得位以綏猷有明道之聖立言以垂憲  
此正學所以常明人心所以不泯也粵稽往聖仰溯前  
徽堯舜禹湯文武達而在上兼君師之寄行道之聖人  
也孔子不得位窮而在下兼刪述之權明道之聖人也  
行道者勲業炳於一朝明道者教思周於百世堯舜文  
武之後不有孔子則學術紛淆仁義湮塞斯道之失傳  
也久矣後之人而欲探二帝三王之心法以爲治國平  
天下之準其奚所取衷焉然則孔子之爲萬古一人也  
審矣朕巡省東國謁祀關里景仰滋深敬摛筆而爲之  
贊曰

永豐縣志

卷之十

學宮

四

贊曰

清濁有氣剛柔有質聖人參之人極以立行著習察舍道  
莫由惟皇建極惟后綏猷作君作師垂統萬古曰惟堯舜  
禹湯文武五百餘歲至聖挺生聲金振玉集厥大成序書  
刪詩定禮制樂既窮象繫亦嚴筆削上紹往緒下示來型  
道不終晦秩然大經百家紛紜殊途異趣日月無踰羹牆  
可晤飛羽之道惟中與庸此心此理千載所同孔子之德  
仁義中正秉彝之好根本天性庶幾夙夜勛哉令圖溯源  
洙泗景躅唐虞載歷庭除式觀禮器擗臺仰贊心焉遐企  
百世而上以聖爲歸百世而下以聖爲師非師夫子惟師  
於道統天御世惟道爲寶泰山巖巖東海泱泱高萬仞



夫子之堂孰窺其藩孰窺其徑道不遠人克念作聖

御製四大賢贊頌學勒石

康熙二十八年

復聖顏子贊曰

聖道早聞天資獨粹約禮博文不遷不貳一善服膺萬德  
來萃心齊坐忘其樂一致禮樂四代治法皆備用行舍藏  
王佐之器

宗聖曾子贊曰

洙泗之傳魯以得之一貫曰唯聖學在茲明德新民止善  
爲期格致誠正均平以推至德要道百行所基纂成統緒  
修明訓辭

述聖子思子贊曰

永豐縣志

卷之十

學宮

五

於穆天命道之大原靜養動察庸德庸言以育萬物以贊  
乾坤九經三重大法是存篤恭慎獨成德之門卷之藏密  
擴之無垠

亞聖孟子贊曰

哲人旣萎揚墨昌熾子輿闢之曰仁與義性善獨闢知言  
養氣道稱堯舜學屏功利煌煌七篇並垂六藝孔學攸傳  
禹功作配

御製臥碑文

順治元年

朝廷建立學校選取生員其丁糧厚以廩膳設學院學  
道等官以教之各衙門官以禮相待全要養成賢才以供  
朝廷之用諸生皆當上報



國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切已

永豐縣志

卷之十

學宮

六

之事只許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

御製訓飭士子文

康熙四十一年

國家建立學校原以通行教化作育人才典至渥也朕臨御以來隆重師儒加意修葺近復慎簡學使釐剔弊端



期風教修明賢才蔚起庶幾械樸作人之意乃比年士習  
未端儒效罕著雖因內外臣工奉行未盡善亦由爾諸生  
積錮已久猝難改易之故也茲特親製訓言再加警飭爾  
諸生其敬聽之從來學者先立品行次及文學學術事功  
原委有序爾諸生幼聞庭訓長列宮牆朝夕誦讀寧無究  
心必也躬修實踐砥礪廉隅敦孝順以事親秉忠貞以立  
志窮經考業勿雜荒誕之談取友親師悉化矯盈之氣文  
章歸於醇雅毋事浮華軌度式於規繩最防蕩軼子矜佻  
達自昔所譏苟行止有虧雖讀書何益若夫宅心弗淑行  
已多愆或蜚語流言脅制官長或隱糧包訟出入公門或  
唆撥姦猾欺孤凌弱或招呼朋類結社邀盟乃如之人名  
教不容鄉黨勿齒縱倖脫褫扑濫邀章縫返之於衷寧無  
愧乎况乎鄉會科名乃掄才大典關係尤鉅士子果有真  
才實學何患困不逢年顧乃標榜虛名暗通聲氣夤緣詭  
遇罔顧身家又或改竄鄉貫希圖進取囂凌騰沸網利營  
私種種弊端深可痛恨且夫士子出身之始尤貴以正若  
茲厥初拜獻便已作奸犯科則異時敗檢踰閑何所不至  
又安望其秉公持正爲國家宣猷樹績膺後先疏附之選  
哉朕用嘉惠爾等故不禁反復惓惓頒茲訓言爾等務共  
體朕心恪遵明訓一切痛加改省爭自濯磨積行勤學以  
圖上進國家三年登造束帛弓旌不特爾身有榮卽爾祖  
父亦增光寵矣逢時得志寧俟他求哉若仍視爲具文玩

永豐縣志

卷之十

學宮

七



渴弗傲毀方躍治暴棄自甘則是爾等冥頑無知終不能  
幸教也既負栽培復干咎戾王章具在朕亦不能爲爾等  
寬矣自茲以往內而國學外而直省鄉校凡學臣師長皆  
有司鐸之責者並宜傳集諸生多方董勸以副朕懷否則  
職業弗修咎亦難追勿謂朕言之不預也爾多士尙敬聽  
之

聖諭廣訓序文 雍正二年二月初二日

書曰每歲孟春適人以木鐸徇於路記曰司徒修六禮以  
節民性明七教以興民德此皆以敦本崇實之道爲牖民  
覺世之模法莫良焉意莫厚焉我

聖祖仁皇帝从道化成德洋恩普仁育萬物義正萬民六十

永豐縣志

卷

之十

學宮

八

年來宵衣旰食祇期薄海內外興仁講讓草薄從忠共成  
親遜之風永享昇平之治故

特頒上諭十六條曉諭八旗及直省兵民人等自綱常名教  
之際以至於耕桑作息之間本末精粗公私鉅細凡民情  
之所習皆

睿慮之所周視爾編氓誠如赤子

聖祖謨訓明徵定保萬世守之莫能易也朕繼承大統臨御  
兆人以

聖祖之心爲心以

聖祖之政爲政夙夜匪懈率由舊章惟恐小民遵信奉行久  
而或怠用申誥誠以示提撕謹將



上諭十六條尋繹至義推衍其文共得萬言名曰

聖諭廣訓旁徵遠引在復周詳意取顯明詞多直樸無非奉先志以啟後人使羣黎百姓家喻而戶曉也願爾兵民等仰

體

聖祖正德厚生之至意勿視為條教號令之虛文共勉為謹身節用之庶人盡除夫浮薄囂凌之陋習則風俗醇厚家室和平在朝廷德化樂觀其成爾後嗣子孫並受其福積善之家必有餘慶其理豈或爽哉

御製訓飭大學士子文 乾隆五年十月二十九日

士為四民之首而大學者教化所先四方於是觀型焉比者聚生徒而教育之董以師儒舉古人之成法規條亦既

永豐縣志 卷之十 學宮 九

詳備矣獨是科名聲利之習深入人心積重難返士子所為汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之為聖賢之徒而豈沾沾焉文藝之末哉朱子同安縣論學者云學以為己今之世父所以詔其子兄所以勉其弟師所以教其弟子弟子之所以學舍科舉之業則無為也使古人之學止於如此則元可以得志於科舉斯已爾所以孜孜焉愛日不倦以至於死而後已者果何為而然哉今之士惟不知此以為苟足以應有司之求矣則無事乎汲汲為也是以至於惰遊而不知返終身不能有志於學而君子以為非士之罪也使教素明於上而學素講於



下則士者固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉况卽爲科舉亦無碍於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等爾故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

謹案

御製文四道吉安府舊志載卷首今恭錄于此

廟學祀典源流

漢高祖過魯以大牢祀孔子平帝追謚孔子褒成宣

永豐縣志

卷之十

學宮

十



尼公光武始建大學明帝始幸辟雍章帝東巡作六代之樂和帝更諡爲褒尊侯靈帝繪孔子及七十二弟子像兩漢致祭皆於闕里曹魏正始間始命太常於辟雍行釋奠禮東晉成帝始親釋奠劉宋元嘉中牲牢祭器悉用上公禮樂設軒懸舞用六佾元魏跋諡孔子爲文聖尼父始詔立宣尼廟勅有司享薦北齊文帝制春秋二仲及每月朔行禮後周封孔子鄒國公隋文帝贈孔子先師尼父詔州縣學以二仲上丁曰釋奠此稱先師行丁祭之始唐太宗升孔子爲先聖詔州縣皆立廟元宗追封孔子文宣王設塑像南向坐宋太祖詔祀文宣王立十六戟於廟門眞宗

永豐縣志

卷之十

學宮

十一

增諡元聖復改至聖徽宗增立二十四戟如王者之制御書大成殿名於辟雍高宗詔祭孔子稱大祀釋奠止輦大成門外入廟步行元世祖詔春秋二丁執事者穿公服自此丁祭皆用朝服成宗大德十一年制加孔子曰大成遂定廟號明太祖四年更定祭器品物饋一羊一豕一鹿首一籩豆各十登一鉶一簋簋各二酒樽三爵三用登歌堂上堂下之樂舞用六佾十五年大學成去塑像設木主十七年勅郡縣每月朔望詣學行香二十六年頒大成樂器於天下各如式制造嘉靖九年用張璁議改大成至聖文宣王爲至聖先師孔子始詔天下盡去塑像設立木主



國朝順治二年乙酉加諡大成至聖文宣先師孔子十  
四年丁酉仍改諡至聖先師孔子康熙二十六年丁  
卯直省各學舞用六佾樂舞生各八十六人雍正二  
年甲辰頒樂器祭器圖式三年乙巳避聖諱加卍作  
邱五年丁未至聖誕辰八月二十七日直省各官致  
齋一日乾隆二年丁巳國子監聖廟改用黃瓦頒樂  
器又頒祭器悉仿古制一體更正五年庚申增直省  
樂舞生共一百二十八人丁祭俱用襴衫雀頂八年  
癸亥頒樂章祭文於直省

配享從祀源流

漢明帝東巡至魯祀孔子及七十二弟子曹魏文帝

永豐縣志

卷之十

學宮

十一

祀孔子以顏回配晉宋梁陳及隋皆以孔子爲先聖  
顏回爲先師唐太宗復以顏回配左邱明以下二十  
二人並令配享高宗始以曾參與顏回並配元宗爲  
塑像詔顏回曾參像宜坐宋神宗始以孟子配食文  
廟又增荀況揚雄韓愈三人從祀理宗淳祐元年詔  
加周敦頤張載程顥程頤封爵與朱熹並從祀孔子  
廟庭理宗景定二年加張栻呂祖謙二人並從祀度  
宗咸淳三年以顏回曾參孔伋孟軻並配孔廟四配  
遂定又升顥孫師於十哲列邵雍司馬光從祀元仁  
宗以許衡從祀孔子廟文宗加封顏回爲交國復聖  
公會參邠國宗聖公孔伋沂國述聖公孟軻鄒國亞



聖公是年冬進祀董仲舒明英宗正統二年以胡安國蔡沈真德秀吳澄從祀孝宗宏治八年始以楊時從祀世宗嘉靖九年考正祀典定四配爲復聖顏子宗聖曾子述聖子思子亞聖孟子十哲閔損冉耕冉雍宰予端木賜冉求仲由言偃卜商顓孫師東西兩廡祀澹臺滅明以下六十二人稱先賢左邱明以下二十二二人稱先儒去重祀者一人申黨卽申棧又罷公伯寮秦冉顏何苟况戴聖劉向賈逵馬融何休王肅王弼杜預吳澄十三人增祀后蒼王通歐陽修胡瑗陸九淵五人而以蘧瑗林放鄭眾盧植鄭康成伏虔范甯七人各祀於其鄉穆宗隆慶五年以薛瑄從祀神宗萬曆間以羅從彥李侗王守仁胡居仁陳獻章從祀

永豐縣志

卷之十

學宮

十三

國朝康熙五十一年壬辰升朱子於十哲位東哲卜子之下五十四年乙未以范仲淹從祀雍正二年甲辰復祀蘧瑗林放秦冉顏何鄭康成范甯六人增祀縣直牧皮樂正克公都子萬章公孫丑諸葛亮尹焞魏了翁黃幹陳淳何基王柏趙復金履祥許謙陳澧羅欽順蔡清陸隴其共二十八人乾隆二年丁巳復吳澄從祀三年戊午升有子於十哲移朱子於西哲顓孫子之下東哲卜子下位有子 道光間增祀劉宗周湯斌黃道周陸贄呂坤孫奇逢文天祥謝良佐八人



咸豐間增祀李綱韓琦公明儀陸秀夫曹端五人又  
以公孫僑列東廡先賢第一位同治二年增祀毛亨  
方孝孺呂柟三人七年又增袁燮於呂祖謙之次

大成殿正位

至聖先師孔子正中

東配

復聖顏子

字子淵魯人漢永平十五年祀七十二子之首魏晉配饗唐稱亞聖

述聖子思子

宋大觀二年從祀端平二年升列哲位咸淳三年配饗

西配

宗聖曾子

字子輿南武城人唐乾封元年從祀宋咸淳三年配饗

亞聖孟子

字子輿一字子車鄒人宋元豐七年配饗

永豐縣志

卷之十

學宮

十四

已上配位宋以前皆稱封爵元至順元年贈顏子充  
國復聖公曾子邾國宗聖公子思子沂國述聖公孟  
子鄒國亞聖公明嘉靖九年改稱復聖顏子宗聖曾  
子述聖子思子亞聖孟子

國朝因之

東哲

先賢閔子

名損字子騫魯人

先賢冉子

名雍字仲弓魯人伯牛之族

先賢端木子

名賜字子貢衛人

先賢仲子

名由字子路一字季路卞人己上俱開元八年從祀

先賢卜子

名商字子夏衛人一日溫國人唐貞觀二十一年以經師從祀開元八年以十哲從祀



先賢有子 名若字子有或作子若魯人唐開元八年從祀 國朝乾隆三年升列哲位

西哲

先賢冉子 名耕字伯牛魯人

先賢宰子 名予字子我魯人

先賢冉子 名求字子有魯人仲弓之族

先賢言子 名偃字子游吳人己上俱開元八年從祀

先賢顓孫子 名師字子張陳人唐開元八年從祀宋咸淳三年升列哲位

先賢朱子 名熹字仲晦婺源人宋高祐元年從祀明崇禎間改稱先賢 國朝康熙五十年升列哲位

已上哲位宋以前皆稱封爵明嘉靖九年改稱先賢

某子

國朝因之有子朱子升列哲位從一例

永豐縣志

卷之十

學宮

十五

東廡先賢四十位

公孫僑 字子產鄭人 國朝咸豐七年從祀東廡第一

林放 字子邱魯人唐開元二十七年從祀明嘉靖九年改祀於鄉 國朝雍正二年復祀原西廡今移東廡

原憲 字子思宋人鄭康成曰魯人擅弓作仲憲

南宮适 字容魯人或疑敬叔非家語作緇史記作括並字

商瞿 字子木魯人

漆雕開 字子若史記作子開蔡人鄭云魯人

司馬耕 字子牛宋人家語名犁耕

梁鯉 一作鯉字叔魚齊人

冉孺 字子魯一作子魯家語作冉孺字子魚魯人

伯虔 古本家語作伯虔字子楷魯人



毋季字子產魯人

漆雕徒父家語作漆雕從字子文或作子友魯人史記無註

漆雕哆字子歛魯人今

公西赤字子華魯人

任不齊字子選史記

公良孺字子正陳人

公肩定家語作公肩字子重一作子仲史記作公堅定字子中魯人或曰衛人晉人

鄭單或作鄭單字子家魯

罕父黑古本家語史記皆字子索或作子素今本家語作宰父黑字子黑魯人

榮旂家語作祈字子祺一作子祈古本家語字子顏魯人

左人郢字子行魯人左人以官為姓

永豐縣志 卷之十 學宮

鄭國字子徒魯人家語作薛邦字子從或云鄭人或以為兩人

原亢字子籍史記作原亢籍正義亢作冗仁勇反古本家語作亢字籍一作原桃魯人

廉潔史記古本家語皆作潔字庸亦字子庸今本家語字子曹衛人

叔仲會字子庸今本家語字子曹衛人

公西輿如字子西今本家語

邾異字子斂家語邾選魯人一作邾異文翁作國選避漢諱

陳亢說文作亢字子禽亦字子亢陳人家語有史記無

琴張家語字子開一字

步叔乘字子車齊人一作少叔乘廣韻注步叔復姓

秦非字子之魯人

顏噲字子聲魯人○已上俱唐開元二十七年從祀



顏何 字冉魯人唐開元二十七年從祀明

縣直 字子象魯人索隱作縣直父或云

牧皮 家語史記皆不載趙岐曰牧皮

樂正克 岐曰周人

萬章 孟子弟子齊人○已上四人

周敦頤 字茂叔道州人諡元

程顥 字伯淳河南人諡淳

邵雍 字堯夫河南人諡康節宋咸淳三年從祀

西廡先賢三十九位

遠瑗 字伯玉衛人唐開元二十七年復祀原東廡今移西廡

澹臺滅明 字子羽魯武城人

永豐縣志 卷之十 學宮 十七

宓不齊 字子賤魯人

公冶長 字子長范甯云字子芝魯人史

公皙哀 字季次家語字季

高柴 字子羔左傳季羔

樊須 字子遲魯人鄭

商澤 家語字子秀一

巫馬施 家語作期字子

顏幸 史記作幸一作柳

曹卹 字子循

公孫龍 字子石古本家語龍作寵

秦商 今本家語字不慈古本字



顏高字子驕家語作顏刻又名冠魯人

壤駟赤字子徒家語壤作壤字子從秦人

石作蜀字子明古本家語石之蜀今本石子蜀秦之成紀人

公夏首字乘家語公夏守字子乘魯人

后處字子里齊人家語守字里之後誤石

奚容蒧字子哲家語作奚蒧字子偕一作子楷魯人正義曰衛人或曰魯奚仲之後

顏祖字襄史記有古本家語無今本作顏相字子襄魯人

句井疆今本家語字子界古本字疆衛人

秦祖字子南秦人

縣成字子祺今本家語作子橫魯人

公祖句茲字子之魯人

永豐縣志 卷之十 學宮 十八

燕伋字思古本家語作燕伋字子思秦人

樂欬家語作欣字子聲魯人

狄黑史記字哲一作子哲家語作哲之或作哲衛人

孔忠今本家語作弗字子茂孔子兄孟皮子

公西藏史記字子尚魯人

顏之僕字子叔魯人

施之常字子恒家語作子常魯人

申棖家語作申續又作續字子周史記申黨又作棠字周魯人即申棖也○已上俱唐開元二十七年從祀

左邱明字子明魯太史唐貞觀二十一年以經師從祀稱先儒明崇禎十五年改稱先賢位七十子下

秦冉字開或作子開魯人唐開元二十七年從祀

秦冉字開或作子開魯人唐開元二十七年從祀

公明儀曾子弟子國朝成豐三年從祀



公都子 孟子弟子齊人 國

公孫丑 孟子弟子齊人 國

張載 字子厚大梁人遷郿縣諡明宋淳祐元年從祀明崇禎十五年改稱先賢

程頤 字正叔顯弟諡正宋淳祐元年從祀明崇禎十五年改稱先賢

已上先賢位宋以前從祀者皆稱封爵明嘉靖九年

改稱先賢某子周張程邵五子嘉靖時稱先儒崇禎

十五年改稱先賢位在七十子之下漢唐諸儒之上

國朝俱稱先賢不稱子

東廡先儒三十一位

公羊高 齊人子夏弟子唐貞觀二十一年從祀

伏勝 字子賤秦時濟南人唐貞觀二十一年從祀

永豐縣志 卷之十 學宮 十九

毛亨 秦漢間人受詩於荀卿以授毛萇 國朝同治二年從祀

孔安國 字子國先聖十一世孫漢武帝時人唐貞觀二十一年從祀原西廡今移東廡

后蒼 字近君漢東海人唐貞觀二十一年從祀明嘉靖九年改

鄭康成 漢高密人唐貞觀二十一年從祀明嘉靖九年改

范甯 字武子晉南陽人唐貞觀廿一年從祀明嘉靖九年改

陸贄 字敬輿唐嘉興人 國朝雍正二年復祀原西廡今移東廡

范仲淹 字希文諡文正宋吳縣人 國朝康熙五十四年從祀

歐陽修 字永叔諡文忠宋永豐人 縣人明嘉靖九年從祀

司馬光 字君實宋陝州夏縣人諡文正咸 瀋三年從祀原西廡今移東廡

謝良佐 字顯道宋壽春人 國朝道光二十九年從祀

羅從彥 字仲素諡文質宋劍南羅源人或曰 福建沙縣人明萬曆四十二年從祀



李綱字伯紀宋邵武人

張杖字敬夫號南軒諡宣宋漢州絲竹人

陸九淵字子靜號象山諡文安宋金谿人明

陳淳字安卿號北溪宋漳州龍溪人

真德秀字景元後改爲景希號西山諡文忠宋浦

何基字子恭諡文定宋婺州金華人

文天祥字履善一字宋瑞宋江西吉水

趙復字仁甫元德安人

金履祥字吉父號仁山諡文安蘭溪人

陳澔字可大號雲莊元江西都昌人

方孝孺字希直諡文正明浙江甯海

永豐縣志

卷之十

學宮

二十

薛瑄字德溫號敬軒諡文清明山西河津

胡居仁字叔心號敬齋追諡文敬明江

羅欽順字允升號整菴諡文莊明江西

呂柟字仲木明高陵人

劉宗周字啟東號念臺明山陰人或曰容城人

孫奇逢字啟泰明直隸容城人

陸隴其初名龍其後改今名字稼書明浙江平

西廡先儒三十一位

穀梁赤顏師古曰名喜阮孝緒曰名倣字元始

高堂生漢初魯人本齊公族唐

董仲舒漢廣州人元至順元年



毛萇 字長公 漢趙人 或曰河間人 唐貞觀二十一年從祀

杜子春 漢河南緱氏人 唐貞觀二十一年從祀 今移西廡

諸葛亮 字孔明 漢琅琊陽都人 蜀漢丞相 卒於五丈原 今移西廡

王通 字仲淹 唐博州高平人 諡文中子 卒於河東 今移西廡

韓愈 字退之 唐河陽人 諡文正公 卒於潮州 今移西廡

胡瑗 字翼之 唐海陵人 諡安定 卒於嘉興 今移西廡

韓琦 字稚圭 宋相州安陽人 諡文忠公 卒於相州 今移西廡

楊時 字中立 宋建州崇安人 諡文靖公 卒於建州 今移西廡

尹焞 字彥明 一字德充 宋洛陽人 諡文忠公 卒於洛陽 今移西廡

胡安國 字康侯 諡文定 宋崇安人 卒於建寧 今移西廡

李侗 字愿中 號延平 宋劍浦人 明萬曆四十二年從祀 今移西廡

呂祖謙 字伯恭 號東萊 諡成公 婺州人 景定二年從祀 今移西廡

袁燾 字晦 號東坡 鄞縣人 宋浙西人 紹興七年從祀 今移西廡

黃榦 字直卿 號勉齋 文肅公 福建人 紹興二年從祀 今移西廡

蔡沈 字仲默 號九峯 建陽人 明正統二年從祀 今移西廡

魏了翁 字華父 號鶴山 諡文靖公 邛州人 淳熙二年從祀 今移西廡

王柏 字會之 諡文憲 宋婺州金華人 今移西廡

陸秀夫 字君實 宋鹽城人 原東廡 今移西廡

許衡 字仲平 號魯齋 諡文正公 元河內人 皇慶二年從祀 今移西廡

吳澄 字幼清 諡文正公 元崇仁人 明正統八年從祀 今移西廡

許謙 字益之 號白雲 諡文懿公 元金華人 原東廡 今移西廡

曹端 字正夫 明河內人 成化十年從祀 今移西廡

永豐縣志

卷之十

學宮

十一



陳獻章 字公甫號白沙道諡文恭明廣

蔡清 字介夫號虛齋追諡文莊明福建

王守仁 字伯安號陽明諡文成明餘姚人萬

呂坤 字新吾明河南甯陵人

黃道周 字幼平號石齋明漳浦人國朝賜諡

湯斌 字孔伯號潛菴諡文正河南睢

已上先儒位明嘉靖以前從祀者皆稱封爵嘉靖九年改稱先儒某子

國朝俱稱先儒不稱子

木主定式

先師位高二尺三寸七分闊四寸厚七分座高四寸闊七

永豐縣志

卷之十

學宮

廿二

寸厚三寸朱地金書

東西配位高一尺五寸闊三寸二分厚五分座高四寸

闊六寸厚二寸八分

東西哲位高一尺四寸闊二寸六分厚五分座高二寸

六分闊四寸厚二寸

東西廡位先賢木主式皆與東西哲同

先儒位高一尺三寸四分闊二寸三分厚四分座高二

寸三分闊四寸厚二寸

禮器

聖殿正壇

瓷爵三 白色

錫登一

錫釧二



錫簋二

錫簋一

竹籩十

木豆十

酒罇一

做古犧罇一

象罇一

山罇一

壺罇一

著罇一

罍罇一

太罇一

銅龍杓一

繡龍幕六

俎盤連桌

木祝版二

木祝以下另置

銅毛血盆二

錫盥盆二

錫毛沙池二

瓷毛血碟十六

鐵燎爐二

木高照二

木燭臺二十五

瓷香爐十五

銅杓八

供桌二

綢圍八

桌圍十八

按爵登銅簋簠雍正二年頒行圖式皆沿明舊代以

# 永豐縣志

## 卷之十

學宮

廿三

瓷器乾隆二年做古制一體更正惟爵皆用瓷登銅

簋簠概用錫酒罇仍用銅增犧罇等七罇用精鐵

祭品 據闕里志編

帛一

白色每段各長一丈八尺秀織禮神制帛四字

牛一俎

羊一俎

豕一俎

酒三罇

太羹一登

和羹二釂

黍一簋

稷一簋

稻一簋

梁一簋

形鹽一籩

藁魚一

棗一

栗一

榛一

菱一

芡一

鹿脯一

白餅一

黑餅一

形鹽以下至黑餅共十皆以竹籩盛之

韭菜一豆



芹菹一

筍菹一

菁菹一

醃醢一

魚醢一

兔醢一

鹿醢一

脾肝一

豚胎一

荳菹以下至豚胎共十皆以木豆盛之

四配每位各一壇每壇應設

帛一籠

羊一

豕一俎

瓷爵三酒

錫釧一和羹

錫簋二黍稷

錫簋二稻粱

竹籩八形鹽

藁魚鹿脯棗栗

木豆八

荳菹 芹菹 魚醢 兔醢 菁菹 鹿醢

銅酒罇一

東西哲東西各二壇今東西共二壇應改設共四壇

每壇應設

帛二同一籠

羊一

# 永豐縣志

## 卷之十

學宮

廿四

瓷爵三

錫釧一和羹

錫簋一黍

錫簋一稷

竹籩四形鹽

鹿脯棗栗

木豆四

菁菹 芹菹 魚醢 兔醢

東西廡每四位一壇

今東西各總一壇應改每四位一壇每壇應設

帛一

羊每廡十二籠共三少半四籠共少半一

銅爵四

錫簋一

錫簋一

竹籩四

木豆四簋簋籩豆所薦與東西哲同

按東西哲位暨東西兩廡向未用少牢惟用豕首豕

肉乾隆十八年癸酉經內閣會典館奏准十二哲東

西各豕首一盤每位豕肉一盤兩廡先賢先儒一百

二十七位東西各豕首六盤每位豕肉一盤陳設處



皆沿前明之舊今十二哲東西各設少牢一案兩廡  
各改少牢三案 又十二哲每位第一東西共篚二  
兩廡各增香帛一案

陳設正壇依次分列帛一爵三列於神位前爵前列登  
登左右列劍簋簋列登劍前簋東簋西籩豆列簋簋左  
右前各分三行籩左豆右籩豆前為俎為香案餘俱照  
式陳設

樂器

麾幡二用紅緞八尺兩面繪金龍一繪升龍以起樂一繪降龍以止樂

琴六

瑟二

特磬一

編鐘十六

共一架分二層

特鐘一

共一架分二層

永豐縣志

卷之十

學宮

廿五

搏拊二

應鼓一

鼙鼓一

門鼓一

祝一

敔一

笙六

洞簫六

龍笛六

篪二

鳳簫二

塤二

笏版六

外置備用

鼓架三

鼓繳一

琴桌六

舞器

旌節二

朱竿龍首銜五色線九節舞長執之為綴兆疾徐行立進止之則以道舞

三眼翟三十六

龍頭簫三十六

干二

戚二

孔雀尾羽六十

雉尾羽三十六

樂舞生



康熙二十六年丁卯令直省府州縣衛春秋二丁致祭  
舞用六佾選樂舞生八十六名乾隆五年庚申令直省  
府州縣揀選通曉音律嫻於佾舞之人召募樂舞生一  
百二十八名專心演習

歌生

歌生六人各執笏版立堂上歌入音

樂章

春祭夾鐘爲宮倍應鐘起調

迎神 咸平之章

大伏哉伏孔伏子伍先伏覺伍先伍知伏與伏天伏地  
伍參伍萬伏世伍之伍師伍祥伍徵伍麟伏紘伏韻伏

永豐縣志

卷之十

學官

二十六

答伍金伏絲伍日伏月伏既伏揭伍乾伏坤伏清伏夷  
伏

初獻 甯平之章

予伏懷伏明伏德伍玉伍振伏金伏聲伍生伏民伏未  
伍有伍展伏也伏大伍成伏俎伍豆伍千伏古伍春伏  
秋伏土伍丁伏清伏酒伍既伏載伏其伏香伏始伏升  
伏

亞獻 安平之章

式伏禮伏莫伏愆伍升伍堂伍再伏獻伏響伍協伍蕤  
伏鏞伏誠伍孚伍鬯伍甌伏誦伍肅伍雍伏雍伏譽伏  
髦伏斯伍彥伏禮伍陶伍樂伏淑伏相伍觀伏而伏善



伏

終獻 景平之章

自伏古伏在伍昔伏先伏民伍有伏作伏皮伍弁伏祭  
伏菜伏於伏論伍斯伏樂伏惟伍天伏贖伏民伍惟伏  
聖伏時伏若伏彝伍倫伍攸伏敘伏至伏今伍木伏鐸  
伏

徹饌 咸平之章

先伏師伏有伏言伍祭伏則伏受伏福伍四伏海伏鬻  
伍宮伏疇伏敢伏不伏肅伏禮伍成伏告伏徹伍毋伏  
疏伏毋伏瀆伏樂伍所伏自伏生伏中伍原伍有伏菽  
伏

永豐縣志

卷之十

學宮

二十七

送神 咸平之章

鳧伏繹伏裳伏裳伍洙伏泗伏洋伏洋伍景伏行伍行  
伍止伏流伏澤伍無伍疆伍聿伍昭伍祀伏事伏祀伏  
事伏孔伏明伏化伏我伍蒸伏民伍育伏我伍膠伏庠  
伏

秋祭南呂為宮仲呂起調

迎神 咸平之章

大伏哉伏孔伏子伏先伏覺伏先伏知伏與伏天伏地  
伏參伏萬伏世伏之伏師伏祥伏徵伏麟伏紘伏韻伏  
答伏金伏絲伏日伏月伏既伏搗伏乾伏坤伏清伏夷  
伏



初獻 甯平之章

予伏懷允明仕德伊玉伏振允金伏聲伏生在民允未  
允有伏展允也仕大允成仕俎伏豆允千允古允春仕  
秋仕上允丁仕清允酒允既允載允其允香仕始允升  
伏

亞獻 安平之章

式伏禮允莫仕愆允升允堂允再允獻允響允協允夔  
允鏞仕誠伏孚允鬯允獻允肅允肅允雍仕雍仕譽允  
髦伏斯允彥仕禮允陶允樂允淑仕相允觀仕而允善  
伏

終獻 景平之章

永豐縣志

卷之十

學宮

二十八

自仕古允在仕昔允先允民允有允作仕皮允弁伏祭  
允菜伏於允論伏斯仕樂允惟允天允曠伏民伏惟允  
聖伏時允若仕彝允倫允攸允敘仕至允今允木允鐸  
伏

徹饌 咸平之章

先伏師允有仕言允祭伏則允受伏福伏四允海伏鬯  
允宮允疇允敢仕不允肅伏禮伏成伏告伏徹伏毋允  
疏仕毋允瀆伏樂允所允自允生仕中允原仕有允菽  
伏

送神 咸平之章

鳧伏釋允嶷仕嶷伏洙伏泗允洋允洋仕景允行伏行



伏上伏流允澤仕無伏疆仕聿伏昭伏祀伏事伏祀伏  
事伏孔允明仕化伏我伏蒸伏民伏育允我仕膠伏庠  
伏

舞法 初獻 甯平之舞

①開籥翟向上起右手於肩垂左手於下蹠左足向前

稍前向外開籥舞 ②開籥翟向上起左手於肩垂右

手於下蹠右足面前蹈向裏開籥舞 ③合籥向上移

右足過左邊交立 ④轉身向東開籥起左手於肩垂

右手於膝蹲身上曲足更加右足虛其跟足尖著地起

辭身向外高舉籥而朝 ⑤合籥向內拱手出左足兩

兩相對蹲東西相向 ⑥合籥轉身向外拱手出右足

永豐縣志

卷之十

學宮

二十九

正揖稍舞 ⑦合籥躬身向上揖正揖 ⑧合籥轉身

向東躬身拱手出右足起平身出左手立 ⑨開籥向

上起右手於肩垂左手於下出左足兩兩相對自下而

上東西相向 ⑩開籥向上起左手於肩垂右手於下

出右足稍前舞舉籥垂翟 ⑪合籥轉身向東蹈右足

惟兩中班十二人轉身俱東西 ⑫開籥以左手平肩

右手平胸斜身向上偏面左足虛其跟足尖著地舉翟

三合籥 ⑬合籥向上過右足於左交立稍前向外垂

手舞 ⑭合籥向上過左足於右交立蹈向裏垂手舞

⑮合籥向上躬身揖向前合手謙進步雙手合籥 ⑯

合籥向上拱手平身立回身再謙退步側身向外高上



朝上 ①開籥向上起右手於肩垂左手於下蹠左足  
向前正蹲朝上 ②開籥向上起左手於肩垂右手於  
下蹠右足向前稍舞躬身挽手側身向外呈籥耳邊面  
朝上 ③合籥當胸向上揖手於右正揖 ④合籥當  
胸胸向上揖手於左垂腹中平身拱手立於中起辭身  
挽手復舉籥正立 ⑤合籥踏右足轉身向上兩兩對  
交籥兩班俱東西平勢立 ⑥合籥踏右足向東正蹲  
朝上 ⑦合籥低頭向東揖向外退挽手舉籥外面朝  
上 ⑧合籥轉上向上平立拱手回身正立 ⑨合籥  
向上過右足於左交立稍前舞 ⑩合籥向上過左足  
於右交立正蹲朝上 ⑪合籥低頭揖向上左右垂手  
兩班上下俱雙垂手東西相向 ⑫開籥向上起右手  
於肩垂左手於膝躡身曲左足虛其跟足尖著地 ⑬其  
合籥低頭揖於右左足垂揖蹈之於後 ⑭合籥低頭  
揖於左右足垂揖蹈之於後右側身垂手向裏垂手舞  
⑮合籥轉身向東拱手蹠右足尖著地 ⑯合籥復身  
向上拱手蹠右足尖躬而受之躬身朝上拱籥而受之  
三鼓畢起

亞獻 安平之舞

⑰開籥向上起左手於肩垂右手於下蹠右足向前左  
足進步向外垂手舞 ⑱開籥向上起右手於肩垂左  
手於下蹠左足向前右向裏垂手舞 ⑲合籥向上過



左足於右交立向外落籥面朝上 ⑩開籥向上起右

手於肩垂左手於下蹲身曲右足右足虛其跟足尖著

地退回身正立 ⑪合籥向上躬身揖於左隨躡右足

尖正蹲 ⑫合籥向上躬身揖於右隨躡左足尖起身

向前舞 ⑬合籥向上躬身復揖於左隨躡右足尖地

裏舞 ⑭開籥翟向上起右手於肩垂左手於下蹲身

曲右足虛其跟足尖著地合手謙進步向前雙手合籥

存謙 ⑮合籥拱手向西出右足兩手相對自下而上

雙班相對舉籥東西立 ⑯合籥轉身拱手向東出左

足上下俱垂手惟兩中班上下十二人俱垂手蹲身東

西相向 ⑰合籥翟向東過右於左交立轉身東西相

永豐縣志

卷之十

學宮

三十一

向立 ⑱合籥向東徹左足虛右足跟斜拱手於上相

向立兩班上下以翟相籥 ⑲開籥向上起左手於肩

垂右手於下躡足而前稍前舞蹈兩班上下俱手向外

舞 ⑳開籥向上起右手於肩垂左手於下躡左足向

前向裏垂手舞 ㉑合籥蹈右足轉身合手謙進步向

前雙手合 ㉒合籥向東拱手躡右足回身再謙兩班

上下東西相向 ㉓躬身向上開籥起手向左躡右足

尖稍前舞向外開籥舞 ㉔躬身向上開籥雙手向右

躡足尖向裏舞 ㉕合籥向上低揖雙手平執籥翟開

籥翟 ㉖合籥翟朝上正立 ㉗合籥向東拱手出左

足側身垂左手兩班俱垂左手向外舞 ㉘合籥向西



揖手出右足躬身正揖 ①新開籥向西起右手於肩垂  
 左手於下轉身曲左足虛其跟足尖著地雙手舉籥翬  
 躬 ②開籥轉身向東起左手於肩垂右手於下躡身  
 曲右足虛其跟足尖著地躬而受之 ③禮合籥躬身向  
 上揖於左三叩頭舉右手叩頭 ④陶合籥躬身揖於右  
 舉左手叩頭 ⑤樂合籥躬身向上復揖於左復舉右手  
 叩頭 ⑥淑合籥復手於中躬身拱手向上拜一鼓畢即  
 起躬身 ⑦相開翟躬身右手起舞加額左手垂舞於後  
 左足隨手出足尖著地三舞蹈舉籥向左躬身舞之  
 ⑧觀開籥躬身左手起舞加額右手垂舞於後右足隨手  
 出足尖著地舉籥向右躬身舞 ⑨而開籥躬身以右手  
 起舞加額左手舞於後左足隨手出足尖著地舉籥向  
 左躬身舞 ⑩善合籥拱手下拜舉籥躬身而受之  
 終獻 景平之舞

永豐縣志

卷之十

學宮

三十二

⑪自開籥向外舞 ⑫古開籥向內舞 ⑬在側身向外落籥  
 面朝上 ⑭昔朝上正立 ⑮先兩班上下兩兩相對交籥  
 ⑯民合手朝上正躡 ⑰右側身向內落籥 ⑱作合籥朝上  
 正立 ⑲皮向外開籥舞 ⑳弁向裏開籥舞 ㉑祭開籥朝  
 上正立 ㉒菜合籥 ㉓於向外開籥舞 ㉔論向左開籥舞  
 ㉕斯進步向前雙手合籥謙 ㉖樂回身東西相向手謙  
 ㉗惟向外開籥舞 ㉘天向裏開籥舞 ㉙曠開籥朝上正立  
 ㉚民合籥朝上正立 ㉛惟向外垂手舞 ㉜聖向裏垂手舞



時朝上正揖 若躬身而受之 藝躬身向左合籥舞  
倫躬身向右合籥舞 修躬身復左合籥舞 敘合籥  
朝上拜一鼓便起身 至側身向外垂手舞 今側身  
向裏垂手舞 未朝上正揖 鐸躬身朝南受之三鼓  
畢起身

祝文

德隆千聖道冠百王揭日月以常行自生民所未有屬  
文教昌明之會正禮和樂節之時辟雍鐘鼓咸恪薦於  
馨香泮水膠庠益致嚴於籩豆茲當仲椿祗率彛章肅  
展微忱聿修祀典

釋奠先期儀注

永豐縣志

卷之十

學宮

三十三

釋奠釋菜皆廟中祭名釋訓置謂置牲幣之物設饌奏  
樂以致祭釋菜止設菜以祭不用犧牲不奏樂每歲春  
秋二祭用仲月上丁日

崇聖祠在大成殿後

崇聖祠祀典

宋眞宗祥符二年己酉始封

聖考爲齊國公元文宗至順元年庚午加封

啟聖王明世宗嘉靖九年庚寅改封

啟聖公十年辛卯別建

啟聖祠春秋祭祀以顏無繇曾點孔鯉孟孫激左右配享  
俱稱先賢以程珦朱松蔡元定兩廡從祀俱稱先儒



十二年癸卯以先儒周輔成從祀

國朝雍正元年癸卯改

啟聖祠為崇聖祠追封孔子已上

五代並為王爵二年甲辰以先儒張迪從祀定神牌位次

乾隆二年丁巳

崇聖祠改用綠瓦十年乙丑定期朔望行香禮咸豐七年丁

巳以孔氏孟皮從祀

主位

肇聖王 本金父公

裕聖王 祈父公

詒聖王 防叔公

永豐縣志

卷之十

學宮

三十四

昌聖王 伯夏公

啟聖王 叔梁公

崇聖祠配位

東配先賢

孔氏孟皮 孔子伯兄 國朝咸豐七年配饗

顏氏 名無繇 顏子之父 家語顏由亦作繇 字季路 史記字路 唐開元三年從祀 嘉靖九年配饗

孔氏 名鯉 字伯魚 宋咸淳三年從祀 明嘉靖九年配饗

西配先賢

曾氏 名點 字子皙 曾子之父 史記作歲 唐開元三年從祀 明嘉靖九年配饗

孟孫氏 名激 字公宣 孟子之父 明嘉靖九年配饗

東廡先儒



周輔成 周子之父明萬曆二十二年從祀

程珦 字伯溫程子之父明嘉靖九年從祀

蔡元定 字季通號西山諡文節沈之父明嘉靖九年從祀

西廡先儒

張迪 張子之父國朝雍正二年從祀

朱松 字喬年號韋齋朱子之父先元追諡靖獻明嘉靖九年從祀

正位五壇祭品 乾隆二年增定

每一壇帛一 長丈八尺 羊一 組

豕一 組

白瓷爵三 酒

錫釧一 和羹

錫簋二 黍 稷

錫簋二 稻 梁

竹籩八 形醬 棗 栗 棗 栗

麥 次 鹿脯

木豆八 菹醢 魚醢 兔醢 鹿醢

之十 荀菹 芹菹 菁菹 魚醢 兔醢 鹿醢

三十五

### 永豐縣志

五配位東西各一壇

帛二 長同正位

少牢一

銅爵三 酒

錫簋一 黍

錫簋一 稷

竹籩四 形醬 鹿脯 棗 栗

木豆四 菁菹 芹菹 魚醢

兩廡五位東西各一壇

祭器祭物皆同四配乾隆十八年癸酉奉准崇聖廟內

四配各改用少牢一案每歲春秋二仲日上于日正祀

之先四鼓致祭鼓吹齋印帛省牲宰牲用正祀儀

祝文

奕葉鍾祥光開聖緒盛德之後積久彌久凡聲教所覃

敷率循源而溯本宜肅明湮之典用中土之忱茲屆



仲春秋聿修祀事

文昌閣在儒學右嘉慶十七年壬申邑紳陳錦祥建並捐田為葺理之資知縣陳天爵記道光三十年庚戌知縣林燕典修尋廢同治五年丙寅邑紳王如瀚重建修撰劉繹記

祭

文昌神祝文 惟

神績著西垣樞環北極六匡麗曜協昌運之光華累代垂靈為人文之主宰扶正人章夫感召薦馨宜致其尊崇茲屆仲春用昭時祀尙其歆格鑒此精虔

先代祠在 文昌殿後

永豐縣志

卷之十

學宮

三十六

祭

先代神祝文

祭引先河之義禮崇反本之思矧夫世德彌光延賞斯及祥鍾累代炯列宿之精靈化被千秋緯人文之主宰是尊後殿以答前庥茲值仲春肅將時祀用伸告潔神其格歆

魁星閣舊在學宮右今移建 文昌閣上層

名宦祠在 大成門外左

祀

宋縣令趙訓之 縣尉陳自仁

明知縣蔡 玘 知縣王 昂 知縣商大節



知縣張言 知縣陳瓚 知縣秦延蒸

知縣劉綿祚 知縣陸運昌

國朝知縣李徵泰 督學副使高璜

大學士前任江西巡撫白璜

祝文

惟

列先生循良著式或任豐陽教養稱職或專統轄撫綏

殫力謹遵祀典崇報舊德爰具牲醴薦其時食祇祈

降鑒莫遠在卽

祭品

羊一 豕一 帛一 酒三獻

永豐縣志 卷之十 學宮 三十七

鄉賢祠在 大成門外右

祀

宋崇國公歐陽觀

元翰林待制陳植 江西行省參政劉鶚

帥府經歷劉運 縣尉陳無吝

明儒學教諭陳雅言 禮部侍郎曾棨

監察御史陳衡 雷州同知劉彬

儒學教諭郭聳 處士劉霖

天臺知縣鍾紐 兵部尚書聶豹

處士吳成 國子博士吳來鳳

太常寺卿陳慶 太常寺卿郭汝霖



大理寺卿宋儀望

參議張 鏗

處士聶廉夫

國朝歲貢生張維垣

進士張元銳

祝文 猗

列先生德施鴻龐忠貫日月功紀旂常敷於文詞亦星  
斗芒或恬於潛久而自光萃茲高躅莫忘景行祇循  
歲祀牲醴薦芳英靈其來降福穰穰 祭品與名宦同  
忠義孝弟祠在明倫堂門廡右

忠義祀

宋武岡教授羅開禮

元江西行省參政劉 鶚

帥府經歷劉 運

永豐縣志

卷之十

學宮

三十八

縣尉陳無吝

宜春教諭唐 術

明大理寺丞鄒 瑾

監察御史鄒 朴

監察御史魏 冕

監察御史鍾 同

孝弟祀

漢歐 寶

宋符表奏

高安主簿曾 鉞

鄂州司戶艾君瑜

熊元素

縣尉羅公升

元周伯清

鍾慶宗

羅宗仁

明黃 圭

陳道修



李邦衡

廳水教諭陳謙

重慶教授陳頌

宋郁亨

景州訓導羅梁

蕭仲璋

郭玉成

郭集成

郭九成

楊恩

邑庠生宋庠

給諫鄒濂

郭魯

陳潤德

邑庠生徐信

邑庠生李果珍

舉人徐日仁

徐元侯

邑庠生徐懋勳

邑庠生張箕

黃宗益

黃好謀

永豐縣志

卷之十

學宮

三十九

國朝監生徐宗元

祝文

稟賦貞純躬行篤實忠誠奮發貫金石而不渝義聞

宣昭表鄉閭而共式祇事懋彝倫之大性摯義蒿克

恭念天顯之親情殷棣萼楷模咸推夫彝德

綸恩特闡其幽光祠宇維隆歲時式祀用陳尊簋來昭几

筵

按盧府志忠義孝弟祠統載祀歐寶以下四十二

人新增題奏旌表義行五人

節孝祠在明倫堂左祀

宋歐陽觀妻魏國鄭夫人以後九十四人新增題奏



旌表節烈不能備載姓氏事實詳列女志

祝文

素心皎潔令德柔嘉矢志完貞全閨中之亮節竭誠  
致敬彰闔內之芳型茹冰蘖而彌堅清標自勵奉盤  
匱而匪懈篤孝傳徽

絲綸特沛乎殊恩祠宇昭垂於今典祇循歲祀式薦尊醪  
明倫堂在學宮左又吉安府明倫堂向係豐邑領建  
朝同治間重修

教諭訓導兩學署見公廨志

祭樂二器庫在東西兩廡旁

按學校乃尊聖明倫重地尤須紀載詳明舊志以

永豐縣志

卷之十

學宮

四十

祀典諸大端歸祠廟而此僅載學額學田數條尙  
不足以昭美備茲照通志及盧府志敬謹更正并  
文昌魁星二閣亦類編焉新增

學額

原額廩生二十名增生二十名歲科兩試各取進文章十  
二名歲試取進武童十二名歲豐間捐輸團練軍費同  
治四年奉部文廣永遠定額十名府學撥取二名每試  
共取進二十四名武童歲試照額

學田

生員宋作楫捐一都螺田畝早田九碩  
二十三都高念昭捐十七都沙園早田十八碩



乾隆十四年己巳知縣江伍圖十五年庚午知縣陳材先後倡捐置買十五都羅才早晚田一百五十九碩三斗又買二十六都箐坑早晚田一百五十三碩又買二十一都梅嶺下早晚田一百零一碩九斗五十四年己酉西坊生員陳九淵捐一都鵠山早田四十七碩

嘉慶二年丁巳置買二十六都江家邊早田三十五碩四斗

已上田畝皆與正副兩學師收租均分  
原存學後魚塘一口每歲撥學書門斗收租

乾隆庚午置買羅才早田三碩撥學書門斗收租爲土地

### 永豐縣志

#### 卷之十

學田

四十一

#### 祠公費

乾隆五十四年己酉二十四都長隴民人陳永祿捐二十三都魏姓地方早田三十七碩六斗撥脩生收租完糧外以爲春秋祭祀公費

嘉慶二十一年丙子十七都生員鍾奕濤捐本都龍潭早田一百三十八碩三斗以爲合縣鄉試士子卷金

嘉慶二十五年庚辰置買塘灣內店房一所

已上田店租息除撥給公費外一歸 崇聖祠戶一歸 明倫堂戶收租完糧至各處隨田莊屋魚塘柴山空基園土等業詳載碑記

道光四年甲申北坊監生鄒騰芳捐三都坦源五都櫓珠



坪溪二十二都東坑四處早晚田一百九十八碩七斗  
以爲合縣鄉試士子卷金

嘉慶十六年辛未明倫堂經管置買二都源頭糯米田一  
百三十一碩八斗額載民米二石八斗三升六合二抄  
二撮立戶攀桂歲收租息除完糧外以餽鄉會兩試贖  
費名曰貢士莊知縣王渠會記 已上舊志

道光三十年庚戌知縣林燕典設立賓興文會撥燒酒坊  
遞年出息給散鄉會試士子贖費咸豐五年置買四都  
仙女塘及坤塘早晚田五十三石七斗塘屋二所內額  
載民米壹石四斗零一合六勺又夏米壹斗四升二合  
歸本會完納 新增

永豐縣志

卷之十

學田

四十二

同治八年己巳州同知王如瀚捐錢肆千緡置買田租肆  
百碩代文武新進童生每名奉兩學師束脩錢各肆千  
肆百文

布理問羅協中捐錢肆千緡置買田租肆百碩代文武新  
進童生每名奉兩學師束脩錢各肆千肆百文

州同知吳璧捐錢肆千緡置買田租肆百碩代文武新進  
童生每名交院費錢捌千捌百文

已上三項田畝均編立號簿爲據其糧歸儒圖戶完  
納新增

送學

每學政歲科試新生紅案到學之後知縣曉諭各生送學



日期屆期各生詣縣署知縣公服升堂各生由東門  
進至簷下行庭參禮畢各生西面立學書北面立唱名  
門斗東面立爲各生簪花酌酒三巡畢各生面北三揖  
具鼓樂由中門出知縣親送至

文廟階下率行三跪九叩首禮畢詣明倫堂知縣教官行  
交拜禮諸生拜師兩拜謝知縣兩拜入座行酒數巡肅  
揖而退

賓興

每大比之歲七月初旬縣堂預結奎樓架彩橋卜吉具啟  
延請貢監生員屆期縣官教官同諸生齊赴儒學具鼓  
樂備三牲香燭祭文致祭

永豐縣志

卷之十

送學

四十三

魁星行兩跪六叩首禮畢各官並科生均至縣署縣官各  
舉醵酌科試首名依次命酌諸生畢各卽席縣官西向  
教官東向諸生依次東西列坐作樂值食畢各官送諸  
生出登彩橋優人簪花諸生揖謝而退

鄉飲酒

附

每歲正月十五日十月初一日於儒學行禮前一日執事  
者於儒學明倫堂陳設坐次司正率執事者習禮至日  
黎明執事者宰牲具饌主席及僚屬司正先詣學遣人  
速賓僕以下比至執事者先報曰賓至主席者率僚屬  
出迎於門外以入主居東賓居西三揖三讓而後升堂  
東西相向立贊兩拜賓坐執事又報曰饌至主席又率



僚屬出迎揖讓升堂拜坐如前儀賓介俱至既就位執事者唱司正揚觶執事引司正由西階至堂中北向立執事者唱賓僎以下皆立唱揖司正賓僎以下皆揖執事者以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生語畢執事者唱司正飲酒飲畢以觶授執事執事者唱揖司正揖賓僎以下皆揖司正復位賓僎以下皆復位唱讀律令執事者舉律令案於堂之中引讀律令者詣案前北向立唱賓僎以下皆立行揖禮如前讀畢復位執事者唱供饌

永豐縣志

卷之十

送學

四十四

案執事舉饌案至賓前次僎次介次主三賓以下各以次舉訖執事者唱獻賓主起席北面立執事斟酒以授主主受爵詣賓前置於席稍退贊兩拜賓答拜訖執事又斟酒以授主主受爵詣僎前置於席交拜如前儀畢主退復位執事者唱賓酬酒賓起僎從之執事者斟酒授賓賓受爵詣主前置於席稍退贊兩拜賓僎主交拜訖各就位坐執事者分左右立介三賓眾賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱賓僎以下皆行禮僎主僚屬居東賓介三賓眾賓居西贊兩拜訖唱送賓以次下堂分東西行仍三揖出庠門



而退

坐席

年高德邵者居上位以次序齒而列如有違條犯法者不許干於良善之席敢有誼譁失儀者揚解者以禮責之至以知縣爲之如遇公出佐貳官代位於東南大賓以致仕官爲之位於西北

僎擇於里以年高有德之人爲之位於東北介以次長位於西南

三賓以賓之次者爲之位於賓主介僎之後除賓僎外賓序齒列坐其餘僚屬則序爵

司正以教職爲之主揚解以罰

永豐縣志

卷之十

送學

四十五

贊禮以老成生員爲之

樂章

初歌鹿鳴之首章

次歌南山之首章

三歌湛露之首章

終歌天保之首章



學校志

書院

恩江書院舊在縣治西報恩寺故址明太常郭汝霖記年

久頃圯 國朝乾隆二十九年甲申知縣張紹三十年

乙酉知縣党兆熊先後倡捐改建於學宮下游水南規

制與鷺洲書院同捐買田租及六一橋店租充師生膳

修膏火党為之記後因地窪潮濕日就傾頽五十八年

癸丑知縣田懋仁移建於城隍廟右咸豐五年乙卯寇

燬同治三年甲子修葺上棟

按嘉慶十六年合邑紳士呈請撫憲金案准延請本

邑績學之士主講遞年束脩元銀八十兩正每月薪

永豐縣志

卷之十

書院

水七六錢五千文以起館之月始至散館之月止

田產附

官撥十六都東源公產田九十八碩今現存八十七碩	五斗又撥前令鄭啟捐置三都塔院背田十八都路	田早晚田一百九十九碩今現存一百一十七碩	斗又撥五十三都公產晚田六十碩此田知縣丁	如玉因其路遠艱於收租換買五都坪頭田畝	士鄧際遂同子有光捐二都隴源糯米田三十五碩	二斗又晚田二十三碩八斗又城上糯米田一百五十四	早晚田七十八碩三斗又城上糯米田一百五十四	碩六斗生員李佑藩捐五都上早田六碩五斗	碩又白竹山早田六碩又水閣上早田六碩五斗	李謙和捐四都冷溪橋早田八碩紳士王之治捐	七都下寨早晚田四十碩紳士王瑚捐二十九都	會坊早晚田二百一十七碩共計一百一十四號	紳士陳錦祥捐四都冷溪橋早田十二碩紳士李枚捐	生鍾應壽捐四都仙女塘早田三碩紳士李枝捐	七都早晚田十五碩袁繼善捐八都楓坡早田三	碩栗園一晚田五碩紳士羣存心捐五都楊家坊早田六	十碩八斗所買四都江下洲上早晚田七十一碩
-----------------------	----------------------	---------------------	---------------------	--------------------	----------------------	------------------------	----------------------	--------------------	---------------------	---------------------	---------------------	---------------------	-----------------------	---------------------	---------------------	------------------------	---------------------



斗又十一碩又二碩又買五都坪頭三十一碩一斗  
又收車上田十碩又收三都五雲峯下田一碩五斗  
又收香城田六碩今荒又四都嚴城早田十四碩  
捐買無考乾隆三十八年報墾二十九都秋江田  
十三畝三分零地二十四畝七分零買湖西道官  
基店房六所又買六一橋店房十九所又買火神廟  
左畔店一所又十都江口墟店房二間今廢收十  
二都睦源木子山一嶂又三都五雲峯木子山一嶂  
買書院右畔空基一片大樟二株又書院前面大樟  
一株○已上舊志知縣戴名沅捐二十七都柳塘  
早晚田五十九碩三斗知縣彭際盛捐四都柳塘  
早田三十五碩上早田三十七碩五都視頭早晚  
田三十六碩五斗今荒十八碩五斗官撥二十四  
都吳村官洲二號計洲田十七畝零今荒紳士金  
鳳鳴捐下一都王竹隴早田二十碩五斗徐宜樂  
堂捐四都魯珠丁家山早晚田一百一十三碩二斗  
五升附貢涂筆諫捐二十一都楊家嶺早晚田四  
十九碩七斗五升紳士王之期捐二十四都小井  
坑早晚田六十碩劉紹德堂捐七都視城上茶源  
早田七十九碩二斗楊彩福捐二十二都上灌晚  
田十五碩買二十都楓木橋早晚田一百六十四  
碩二斗下一都靈江早田十四碩上一都芬園早田  
之十書院四十七

永豐縣志

卷

書院

四十七

七碩五斗十都汝羅坑早晚田五十二碩七斗十七  
都太平山早晚田三十七碩五斗八都楓陂早田五  
碩五斗八都南堤早晚田三十五碩五斗咸豐二  
年恩江求志兩書院共置買上一都大園早田九十  
一碩八斗買縣治  
西坊屋上下兩棟

皇寮書院在二都渝州唐劉慶霖為吉州通判留寓永豐

始建書院講學宋進士劉炎重修周雲朱輿言有記

湖頭書院在縣治西二里宋邑人金汝礪作礪講學處永

樂五年丁亥金從珍重修嘉靖間吉水修撰羅洪先講

學其中篆書潛源導流統宗堂忠孝廉節等額并為之

記 國朝乾隆間裔孫金協泰重修

清風書院在永豐鄉秋江宋淳熙間荆湖北路提刑劉禹

錫致仕歸築清風臺吟詠其中後改為書院



按禹錫官終荆湖提刑通志及府縣志本傳所載皆同而此條書其官均曰觀察推官乃其中年所更官也今易之新增

陽豐書院在縣北藥師院後元至元二十九年壬辰進士陳應沐與弟起元起鳴勗建延祐間遷西市賜額於朝吳澄記

按陽豐書院為當時大儒推重仁宗賜額幾與鷺洲比美乃閱數百年杳然難追故知盛事賴修舉有人也舊志

武城書院在縣西三十里龍潭元學士曾德裕創祀邨國公割田贍生徒延祐間翰林學士承旨程鉅夫咨保照

永豐縣志 卷之十 書院 四十八

孔顏孟三氏子孫儒而賢者主領教事後熾明嘉靖間德裕孫衷呈奏允曾氏子孫為祀奉生春秋有祭吳澄記

志歐書院在縣治西平湖側元延祐初袁州學正邑人曾靖翁建中為殿設先聖像左為堂祀歐陽文忠後有講堂兩廡有崇文興行思忠立信四齋杜顯祖記

六一書院在縣治西石橋寺舊有六一祠明嘉靖二十九年庚戌知縣張言廢寺改書院祀六一公鄒守益記

一峯書院在縣治西儒學右明宏治間督學邵寶屬吉安府知府張宗厚創建邵為之記萬曆初張居正奪情起復命所司撤祠以有扶植綱常一疏也壬辰知縣吳期



炤復之己未知縣瞿式耜改建一峯祠咸豐乙卯寇燬  
太極書院在二十九都藤岡明嘉靖間永豐鄉眾建山西  
提刑邱文莊記

金牛書院在明德鄉金牛洞明修撰羅倫講學處隱士張  
邦俊捐田山湯克寬記

龍雲書院在東湖主事劉顯仁講學處明鍾瑾記  
離明書院在永豐鄉秋江明劉霖講學處舊志作劉中山

瀧岡書院在縣治東明正德十一年丙子提學田汝耘建  
祀鄒瑾魏冕已上府志

文儒書院在明德鄉沙溪瀧岡西陽宮右即宋勅賜歐陽  
修讀書之堂元至大四年辛亥里人艾幼學建明天啟

永豐縣志 卷之十 書院 四十九

七年丁卯艾日昇修 國朝嘉慶二十五年庚辰李維

璵重修道光壬午落成咸豐間寇燬同治四年乙丑李  
奇珠重修并捐田畝以助膏火

田產 附

紳士李維璵捐田租五十碩王雲龍張映彩各二百碩  
艾蕃升五十碩王際昌三十碩李志錄李鶴音各三十  
十碩謝錫三二十碩何嵩三十碩同治間王安民  
捐田租五十五碩王如瀚五十碩李鴻鳳二十五碩  
王如屏二十四碩王如  
崧晉省身各二十碩

螺田書院在一都大園宋國子博士陳貫嚴建

中山書院在遷鶯鄉上羅元翰林待制陳植建吳澄記

按謝通志載中山書院在永豐縣秋江元翰林待制

陳植建查植號中山非秋江人中山書院亦不在秋



江殆沿秋江劉霖亦號中山而訛耳并辨明於此新

浮雲道院在遷鶯鄉鷺溪元參政劉鶚建揭後斯記

雲邱書院在三都雙溪明尚書聶豹講學處今圯

問渠書院在二十八都汶溪明修撰羅文毅倫與雷州府

同知劉彬幼同學處今圯

文明書院在城南都司營後 國朝乾隆間南文會建祀

歐陽文忠附歷朝先達咸豐乙卯寇燬

文瀾書院有二一在城北鄒氏祠右 乾隆六十年乙卯

北坊文會建祀歷朝先達一在洄溪戴讓子孫建

崇文書院在縣治西大塘埭上嘉慶間下西坊文會建

崇正書院在一都潭田寺右乾隆間滁溪宋大園陳社州

永豐縣志

卷之十

書院

五十

蕭雙溪傳道堂黃巷西蕭西坪謝七姓文會建

文昌書院在十一都鹿岡

連雲書院在四都石橋上十三陳氏眾建置有田畝勸學

課文鄉會歲科試皆餽贖貲

有成書院在十一都祿江監生李釗三父子建捐田一百

二十碩以供膏火今廢

明真書院在城北廟背徐氏建今廢

樹人圃在五十三都蠶溪嘉慶十五年庚午眾建已上舊志

興賢書院在五十一都中洲嘉慶八年癸亥建前為講堂

後為諸生號舍膳房屬其左道光二十年庚子里人捐

田租以給膏火



文昌書院在四十二都金華山寺後道光二十一年辛丑  
 建夏秋考課聯文社給獎知縣馮詢扁曰傑構題以詩  
 求志書院在縣治西坊隱居寺傍道光二十三年癸卯知  
 縣馮詢倡建中為明聶豹鄒守益錢德洪講堂前構夢  
 隱軒中書郭儀霄跋左右翼以書室義婦宋蕭氏捐助  
 千金置買膏火田畝

田產附

鄒修品堂捐五都瑤溪竹山內花園前塘泥坑麻田五  
 處早晚田七十三碩八斗 涂姓捐上一都潭江旱  
 田十八碩莊屋三間 監生孫仲梅捐五都楊家坊  
 早田一百碩九都前村果佃早晚田四十三碩五斗  
 劉紹德堂捐五都楊公廟早晚田六十六碩六斗  
 監生羅品福捐五都艾家源早晚田十一碩五斗  
 聶植元堂捐二十二都大源內將晚田三十六碩三  
 斗五都江口早晚田一百六十碩又肥田柴山莊屋  
 書院 五十一

永豐縣志

卷之十

書院

五十一

與鄧禮教堂共四股之一 附貢袁曰榮捐六都湯  
 家早晚田三十二碩 買二都奄江王坊石籠稱坊  
 晚田五百碩零一斗五升今荒廢六十碩一斗五升  
 又買五都五嶺早田十七碩八斗四都野豬坑早田  
 十二碩六斗五都嶺下早田二十七碩五斗 監生  
 劉邦華捐錢一百千文散給膏火

明德書院在四十八都龍岡道光二十八年戊申建前監  
 門樓墻垣中建講堂後為院長居兩旁為諸生號舍按  
 月考課鄉會歲科試皆餽贖貲知縣林燕典有記

義首書院在三十三都金鈎形距石馬市三里許同治二  
 年癸亥進士符為霖文學何邦彥吳定九倡建置買膏  
 火田四百三十畝按月考課鄉會試皆餽贖貲知縣彭  
 際盛殿撰劉繹俱有記

螺城書院在二十九都一峯山麓同治四年乙丑知縣彭



際盛倡建前爲景賢堂後爲山長宅左右翼以書房置  
買膏火田五百畝廬房三所按月考課殿撰劉繹三講  
二載

育才書院在四十三都南坑同治六年丁卯建其上爲文  
昌閣魁星樓中爲講堂左右爲諸生號舍每歲冬月考  
課置買膏火田畝歲科鄉會試皆餽贖費

迴龍書院在七都同華山麓本里三田葉坊洪源三村建

已上  
新增

社學六所附

一在東坊舊觀音堂前

一在南坊舊佛堂前

永豐縣志

卷之十

社學

五十二

一在西坊田西隴下

一在西坊金瑜坊下

一在一都舊市王廟前

一在一都佛堂前俱見府志

社學荒廢已久嘉慶十九年甲戌知縣戴名沅設義館  
於東南西北四隅凡子弟家貧不能從師者悉准赴學  
歲捐廉俸銀一百二十兩以給蒙師束脩自後知縣牛  
廷炤朱倅陳徵芝畢光榮孫承祖皆因之道光乙酉至  
咸豐乙卯歷任知縣仍循舊